

Filemo-ò Paulo Tyyriti Filemo-ò

¹⁻² Jiarỹ Paulo rare. Jesuisi Kristu òraru-ki ròtena-ki wāhāre. Tximòtxi iny seriòre wese jiarỹ-wana adee Filemo-ò rybe rewahinyrenyre. Kai inyluunareny, iny wiòhenadỹỹdu tate. Tule Afia-ò, rewahinyreri, tii iny wyòrenyõ rare. Tule Arikipu-ò, rewahinyreri iny rybe tỹnydỹỹdu-ki ijoiõ rare. Tule ityhydỹỹdu mahādu-ò rewahinyreri, aheto dohodỹỹna ijoi-ò wahe.

³ Ruxetòena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watzireri.

⁴ Deuxu-ò rexitòenyreu, atxi, Filemo, wanohõti reamyhỹre. Tai uny rarybera.

⁵ Kai dori Jesuisi tetyhinyte, inyiòlò luumy, ityhydỹỹdu mahādu luumy atximahāte. Kia-ò raholamyhỹre.

⁶ Tule rexitòenymahāreu kiamy jiarỹ rarybe-mahāre. Kai iny wixira-ò Deuxu aõmydỹỹnanamy belykeu, Kristudeewimy bierynanyke. Kia inydeereny rexitòenyre Deuxu-ò.

⁷ Jiarỹ wadeysatyhyreri, kai dori aluuna iny wixira dee ratximyhỹre. Kia heka deysana nihikỹ ityhydỹỹdu mahādu-ò rare, tii riwawowesenymyhỹre.

⁸ Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹỹdu seriòre rare.

9 Tahe aluudỹna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki.

10 Wariòre wese dee rexitòenyneri. Onesimo wariòre wesemy redyreri Kristu tyhydỹna-ò waribi umy wese kaki ròtenawo-ki rare.

11 Tiu heka adee riwahinyõmyhỹre tii dori juhoo awiòhedỹdutyhy aõkõ rare. Wijile tahe iny di-wiòhenanymyhỹde adee wadee tule.

12 Tii adee reteònyneri. Ixyby araòkesedỹnyneri. Kai ixi-ki bimye wawesemy, wadee dori tii awityhy rare.

13 Jiarỹ dori ixideele remyõre wawiòhedỹdu kaki ròtenawo-ki Rybewihikỹ dohodỹ òraru-ki. Kia òsỹny adee awire.

14 Urile aõkõmy marybekeki tii arimyõthy. Kai aõ wadee bidiwahinykeki, kai ixi sohojile inihe biwahinykre. Waixitòena-ki aõkõ.

15 Onesimo heka aribi irehemy rexijere ijõ bededỹnana wixirau, tahe wijile tiemy abrysimykre.

16 Juhoo wesemy aõkõ ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹdu wese wiluukemy wadee awire.

17 Kai wabiòwakeki, tii birybenyke iwese tiwarybenymyhỹte wese.

18 Aõ adee rasiranyreki, jiarỹ ariwyònykre teròwmy. Jiarỹ iximyna kaa retyyritinyre: Jiarỹ Paulo ariòwinykre.

19 Kai waòraru-ki ityhydỹdumy atximahâte. Kia tahe adee tuu ararybeõthy.

20-21 Warybe mynamy ta kai bòwidỹkre Kristu

òraru-ki, tai ta biwadeysanykre. Jiarỹ warybe rewahinyreri, araeryre, waixitòedỹỹna ratyre biwinykre.

²² Ijõmy adee arexitòenykre: wasỹ waherina ahetowo-ki biywinykre. Deuxu-ò bexitòenykreki, tai jiarỹ aõhe-wana adeereny aròòsekre.

²³ Epafa wabiòwa ròtenawo-ribi adee riwehityhynanyreri (jiarỹboho kaki watximyhỹrenyre Jesuisi Kristu Rybe òraru-ki),

²⁴ tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aõmysỹdỹỹdumy roire.

²⁵ Jesuisi Kristu làhàna awo-ki ratximyhỹre.

Deuxu Rybe Tyyriti **New Testament in Karajá (BR:kpj:Karajá)**

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 18 Apr 2025 from source files
dated 29 Jan 2022

55ce0bcd-101e-52a3-984e-847027efe150